

影印
文淵閣

四庫全書

影印

文淵閣四庫全書

第一二三三冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

草閣詩集

明 李 曄撰

拾文附錄 谷詩集

明 李 轅撰

樗菴類藁

明 鄭 潛撰……………九三

春草齋集

明 烏斯道撰……………一二三

詩文集

耕學齋詩集

明 袁 華撰……………二五九

可傳集

明 袁 華撰……………三六一

強齋集

明 殷 奎撰……………三八三

海桑集

明 陳 謨撰……………五二三

畦樂詩集

明 梁 蘭撰……………七二一

欽定四庫全書

集部
草閣詩集卷二

詳校官庶吉士臣龍廷槐

中書臣劉源溥覆勘

總校官進士臣繆琪

校對官中書臣范來宗

謄錄監生臣鄒曾蔭

欽定四庫全書

集部六

草閣集 附筠谷詩

別集類五 明

提要

臣等謹按草閣集六卷拾遺一卷明李昱撰

昱字宗表號草閣錢塘人南雍志作臨安人

益錢塘左宋臨安地偶署前代地名非明之臨

安也洪武中官國子監助教昱元季避地永

康東陽間館於胡氏故集中與胡伯宏兄弟

欽定四庫全書

草閣集

贈答之什最多此集乃昱沒後伯宏及其友

徐孟璣陳公明所輯拾遺一卷則其門人唐

先祖所輯拾遺之後又附雜文四篇題曰文

集不知何人所續輯或亦出先祖之手歟昱

詩才力雄贍古體長篇大抵清剛雋上矯矯

不羣近體亦卓犖無凡語雖為高楊張徐諸

人盛名所掩實則並驚中原未定孰居先後

也未附筠谷詩一帙不著名氏案宋漁作昱

詩序稱其子轅字公載為詩能繼其家千頃

堂書目亦載有李轅筠谷集註為李昱之子
為宜綸縣丞殆編錄者以卷帙無多附其父
後觀詩內有冬至前日侍文讌胡伯奇濟生
堂七言一首是轅作之明証矣朱彞尊曝書
亭集有昱草閣集跋而不言末附筠谷詩或
所見之本偶佚此卷也乾隆四十三年六月

恭校上

欽定四庫全書

草閣集
卷之二

總纂官臣紀昀臣陸錫熊臣孫士毅

總校官臣陸費輝

草閣詩集原序

詩之體制雖始於三百篇歷代作者迭加緣飾至李唐
而後大備其五七言律及絕句既前此所未有古風歌
行樂府諸作往往上建建安黃初蓋詩道之盛至是斯
極者當是時也惟杜子美李太白為冠絕古今雖以韓
子之才而猶稱二公之文光焰萬丈則其非人所及可
知者自是以來能詩之士代不乏人終莫能追蹤李杜
其間有能悉心探索刻志模擬者則亦各自名家流傳

欽定四庫全書

草閣詩集
原序

不泯蓋二公之天才力學所以自得之妙固未易深契
然其律呂可按矩度可尋故學之者真積力久未有不
自成以至可傳者也錢塘李君宗表善為詩精熟清新
氣雄而辭暢一出李杜二家機軸其友天台徐一夔嘗
稱其緣情拈事機動籟鳴無窮搜苦索之態而語皆天
出不煩刻雕不渝盛唐之家法識者以為的論君初居
錢塘少從進士永嘉鄭公僖學僖奇其才以女妻之學
成結草閣居北關門外若將老焉後避兵金華翱翔東

陽永康二邑間有司常舉上考功奏補國子監助教未幾以病免卜築永康開門授徒與其邑之人士詠觴酬倡以相樂其歿也胡伯弘既葬之魁山之下而其子轅又以瓊州宜倫縣丞歿于官君之詩由是多散佚徐孟璣與伯弘及其友生陳公明相與裒輯得古今詩四百餘篇唐仲暹編為六卷將鐫諸木以傳而徵余為序余既喜公之詩又多諸友之義故書此以見君之詩得其師法而用力非淺信有可傳者焉君名譽宗表其字學者欽定四庫全書

草閣詩集
原序

稱為草閣先生轅字公載為詩能繼其家不幸早死士林惜之楚府長史致仕金華宋濂序

欽定四庫全書

草閣詩集卷一

元 李昱 撰

五言古詩

凡十四首

李杜日已遠疇能振風雅淫哇既紛靡視古氣益下雷鳴喧九岳遂謂黃鍾啞魚目輕夜光駑駘鄙宛馬獨立天地間長懷何由寫白雪非不彈舉俗和者寡

人生宇宙間愚哲情與勤年華不可再努力思超羣大

欽定四庫全書

草閣詩集
卷一

禹寸陰競陶侃惜其分不見東流波晝夜方沄沄吾徒但飽食與俗同縕紛既無良平智又乏賈鄧勲立言著當代庶以期斯文

穆王瑤池宴八駿爭先之渠黃既電邁騷耳亦風馳舉觴勸王母回鞭自西陲造父策其勲聲價傳當時顧謂駑駘輩道坦爾其來日暮路且遙倒行方逆施

鳳凰被五采自顧何歲庭朝飲醴泉水暮宿梧桐枝虞廷舞蕭韶周時或鳴岐和聲感至治千秋一來儀孔聖

實繼作盛德元匪哀佯狂者誰氏乃獨歌已而

紫河不愛寶龍馬負圖出人丈兆鴻濛列點昭星日皇
覽契玄造俯仰已致密五行妙生成八卦定凶吉大哉
周孔聖以道相繼述雖云六十四萬彙始畫一

夏后承四載胼胝事洪流龜文自天錫大法列九疇皇
極居其中錫福為民休商辛既不極姬政日以脩慙慙
訪箕子彞倫為咨諏至哉君子心傳道非臣周

吾觀詩三百豈徒正而葩其言本情性反覆成詠嗟二

欽定四庫全書

草閣詩集
卷一

二

南廼其端列國多淫哇洋洋雅興頌制作功尤嘉善者
固敦厚惡者亦紛拏聖人示我要蔽以思無邪

姬轍既已東王綱日陵替蠻夷遂猾夏諸侯亦專制雖
稱葵丘盛區區假仁義大哉春秋筆斧鉞嚴可畏是非
予奪間立法垂萬世孰云吾道窮經成感麟至

揖遜稱唐虞征誅尚湯武煌煌帝王德簡冊傳千古云
胡巢與由萬乘棄如土采薇首陽巔夷齊獨何苦周衰
逮彊秦併吞猛於虎驅民赴兵戈白首填草莽

江都遊未返豺虎方鬪紫堂堂龍鳳姿舉義揚旗旌擒
充戮建德銑舉不日平功高即帝位貞觀蜚英聲惜乎
晉陽謀兼受窾厥盟婚風既相踵敵馬來縱橫

子雲不曉事老厭居執戟法言倣論語太玄擬周易美
新無乃佞意謂仲蠆尺投閣身致危於道竟何益何如
淵明翁敝屣棄彭澤浩歌歸去來南山聳秋碧
白水奮炎祚赤符應天休雲臺二十四烜赫皆封侯富
春有故人物色來羊裘翩然不受爵獨釣滄江流元功

欽定四庫全書

草閣詩集
卷一

三

布衣婦所進多嘉猷伊誰秉史筆類與隱者侔

三國既鼎峙髦俊紛如林恭惟諸葛公出處實所欽結
廬南陽卧抱膝梁父吟管樂雖自許伊呂非難任君看
三顧餘驅馳勞寸心奉奉出師表讀之涕盈襟

牝雞司晨禍變亂五十秋向非張公能唐室幾為周斬
本須斬根絕水當絕流惜哉不及此三思乃見優事機
一以失養患成姦謀崎嶇道路遠竟死誰之尤

古意一首送韓

渥洼有良馬，個儻飛龍如。遺種落人間，觀者立踟躕。被以黃金鞍，絡以明月珠。雖非急難才，人謂汗血駒。勉餐雲中草，養爾八尺軀。勿隨驚駘後，駸駸思並驅。長楸試天步，真能服鹽車。孫陽儻爾逢，拭目超雲衢。

答呂慎明

清晨聲剝啄，有客扣我扉。車馬何聯翩，林壑生光輝。嗟予久離羣，屏跡甘布衣。故人金石交，乃肯念細微。上堂具尊酒，方圓進甘肥。君諒爲高誼，不醉將安歸。攘攘宇宙間，以利相因依。交游豈云少，所恨知音稀。膏鮑如可作，茲理儻弗違。願爲雙黃鵠，與子俱遠飛。

懷舊一首

齋居秋夜長，客子不能睡。開門四無鄰，皎皎月在地。故人天外書，三年袖中字。跡踈心每親，路長何由至。

歲暮懷徐德裕

客居在南山，山空歲云莫。青陽殘夜逼，華髮流年度。掩書坐無聊，風燈影回互。懷我冰玉人，悠悠隔長路。孔孟

欽定四庫全書

東閣詩集

四

垂微言，夷齊振高步。千秋常不厄，人能識其故。吁嗟宇宙間，狂流肆馳騖。驚何由枉巾車，相與論幽素。

秋夜感懷

秋風吹我衣，明月照我床。徘徊省中夜，感慨祇自傷。冥鴻在江渚，蟋蟀鳴高堂。亦有露草螢，隨風恣飛揚。物理儻如斯，昊穹理茫茫。棄置何足云，吾將採瓊芳。

暮春書懷二首

流光既云邁，春事日已深。野情嗜踈散，奈此違登臨。今晨鼓我琴，何以寫素心。浮鱗躍清沼，好鳥鳴高林。微颺左右至，嘯傲以開襟。欣欣與物會，默默還自任。古人亦已矣，後來孰知音。

閑居習踈懶，歲月漸成癖。心幽遠世慮，地偏少人跡。是時春向暮，芳草萋更碧。鳥啼簷間樹，花落溪上石。悠悠發長吟，命酒聊自適。人生任天性，焉能爲形役。

菜園爲鄰畜殘而作

孟嘗久不作，吾徒食無魚。長齋坐清晝，賴此田中蔬。僕

欽定四庫全書

東閣詩集

五

夫勤灌溉引水通溝渠青青日已長盡是辛苦餘封豕
從何來荐食良可吁一殘枝蔓傷再則根抵除遂令蒼
翠場轉盼成空虛嗟我在羈旅草野聊暫居惜無樊籬
固悵望徒跼蹐跼蹐將奈何屏棄犁與耜學圃聖所鄙
且讀窗下書

摘豈示轅

山居既幽寂何以娛清晝呼兒啟柴扉共摘園中莖續
紛漸盈把微雨濕衣袖追思菽水奉歲月不可又雖無

欽定四庫全書

卷一 詩集

六

然其戒兄弟缺相觀乾坤浩茫茫我獨守孤陋生涯固
云好終焉懷其舊感此成新詩歌之令人瘦

登中臺山

似聞中臺山上有招提境興來每欲往俗事不可屏今
晨登長途老步困馳騁因之事幽討蠟屐聊為整崎嶇
路百折拄杖穿細嶺颼颼風乍響慘慘日將暝扶持賴
門生乃始登絕頂其居若平地雲生動成景山僧倒屣
迎汲泉為烹茗共談出世法坐對白月影朗觀心地初

爐薰夜方永不待聞晨鐘冷然發深省

發雙溪

我我金華城行李何淹留閏十月初吉始能具扁舟輝
輝晴旭升莽莽寒烟收篙師戒晨發浩嘯當巾流握手
謝送者此行實夷猶昔為山林居今作江海遊撫心媿
麋鹿放跡同鳬鷖丈夫既許國生理焉得謀功成纔拂
衣庶以追前脩

泊鷓鴣灣

欽定四庫全書

卷一 詩集

七

朝辭婺女城暮泊鷓鴣灣鷓鴣暝不見但聞水潺潺水
聲日西流客子何時還長風吹征衣慘澹生愁顏

泊蘭江

我舟泊蘭江江水淨如練孤雲塵外飛歸鳥鏡中見回
環城數里雜還山百轉何年徐偃王於此建古殿陰廊
斷人跡敗壁留燭篆題詩感古昔荒哉瑤池宴

過白鴈灘

前途白鴈灘灘聲急如雨扁舟勢逆上百丈難遽舉風

寒雲欲墜冰潔石可數寒冬景蕭條况我值羈旅故居
日已遠所思在兒女有鴈不寄書虛名亦何取

宿桐灣埠

蚤歲游江湖倏忽逾半百偶遂花溪隱山水環我宅教
兒業詩書課僕勤稼穡投閒未三載又作遠行客繫舟
桐灣埠衣袂帶晚色風吹野燒紅月照灘水白舟中二
三友相對訴胸臆夜長不能眠擁被情默默

息灘

欽定四庫全書

單閣詩集
卷一

八

息灘復息灘逆上如登天舟行勢齟齬百丈不可牽人
持白木篙左右柱兩肩倒緣凌風檣俯貼衝波舩分寸
累丈尺始能就其顛回頭望來者相去一丈懸我生匪
利涉坦易性所便因之戒行險庶資遠游篇

胡樂站

清晨發崇上四十五里程蕭然見古驛四壁惟榛荆道
傍有候吏倒屣遙相迎烹茶坐來久各伸羈旅情更深
始就睡乃聞喧逐聲披衣問如何有虎負豕行

張家灣

扁舟帶晚色小泊張家灣寒光蕩虛碧縹渺冲融間北
風吹黃蘆慘戚遊子顏區區短篷卧十夢嘗九還須臾
桃花溪咫尺石井山隔枕忽驚覺水鳥鳴關關

丹陽湖

泛舟丹陽湖水鳥何繽紛或飛或飲啄倏忽千百羣千
百亦不盡藹藹如浮雲蕭蕭影自照嚶嚶聲相聞嗟尔
稻粱謀來往多辛勤漁郎集網罟焉得防朝曛

欽定四庫全書

單閣詩集
卷一

九

采石

盡日行扁舟始至采石口沉沉夜色靜寒波落星斗憶
昔騎鯨人捉月月在手不知千載下豪氣猶在否我來
賦新作筆底蛟龍走欲招宮錦袍樽中惜無酒

揚子江

滔滔揚子江江流日千里古來限南北今看平如砥我
行屬冬候際此風日美振拖羣魚驚推蓬一鷗起須臾
棹歌發客子心亦喜平生濟川心造次聊試爾

姑蘇城

迢迢姑蘇城其勢高百雉古來餘霸習英雄迭興廢一夫起蟻役遂擅西南利經國無遠圖俄為巨明制憶昨鏖戰初矢石飛雨至殺聲相交加白骨泥沙棄敵樓今尚在往事流水逝我舟一經過恍惚如隔世俯仰二十載風物不可記頭黑今已白感慨夜無寐

嘉禾

晨發嘉禾城晴日舒我顏水深野岸濶驛古秋花斑回

欽定四庫全書

單閣詩集

十

頭指點中已過三塔灣少年所游地頭白今始還沙鷗喜我還來往清波間願為忘機翁與爾俱投閒

武林

舍舟東新橋徒步北郭門人烟竟蕭瑟往事不復論晨炊起斷壘秋草生顏垣平生富麗地轉盼成荒村入城問所交十室纔一存諸生幸頗集日夕具酒尊有兄在苕川久別勞夢魂那知十五載再叙骨肉恩吾兒渡江至迎我歸田園田園豈不好况有可抱孫松楸兵燹餘

何以慰朝昏遲行復遲行淚下聲復吞

旅館夢先人覺而有感

先人已云亡哀哀我所思所思不能已中夜夢見之春風顏色歡手把梅花枝諄諄過庭訓似示夙昔辭顧慙伯魯昏受簡恐復遺雞鳴星在天蕭瑟回風吹推枕耿耿不寐吞聲涕連沍豈伊道路長冥漠相維持乾坤浩茫茫江水日夜馳江水亦不息我心永傷悲

遣瘡鬼

欽定四庫全書

單閣詩集

十一

汝本頗項子變化逃其形胡不肖厥祖騎龍升帝青而為瘡鬼徒屑屑居滄溟復游人間世所在行威靈舌光霹靂飛怒目張朗星坐令命蹇子狼狽汝所丁其寒誰致然其熱孰使令淒淒挾絮纒喘喘思風亭肉黃面亦皴呻吟不可聽巫師用桃茆醫師進猪苓汝常固蟠結百藝無一寧嗟汝聖王裔區區獨伶俜遷善迺令德肆虐非常經我今賦新詩送尔揚歸舸東方有蒼龍鼓腹生雷霆西方有白虎利口惟臙腥赤鳥司南方丹砂耀

脩翎玄武在北方閃目光熒熒四方汝無往恐汝罹天
刑汝宜返故鄉寒泉肅泠泠綠荷以為衣丹霞以為扇
珠簾水晶幌貝闕琉璃屏洛妃奏清曲湘娥荐芳馨飄
飄曳鸞旗洋洋下雲輶速行如風火晝夜不可停從此
勿迴首一去三千齡

宵行效陰何體

纜舟纔晚憩驅車復宵征脩途帶殘夢曉色動微明拭
目近山色傾耳遠雞聲雨過石猶潤岸窮橋始橫屬茲
清秋候迫此羈旅程孤懷雖自慰迢遞難為情

墨梅

烏不涅而黔鵠不浴而白其類雖有殊各以見真色畫
師亦何心變幻隨世惑展圖對梅花為爾心惻惻

次韻妻兄鄭伯武見寄

人生如秋蓬飄飄易為別回頭憶往事令我愁欲絕伊
昔狼狽初風塵暗南北晨昏但奔走衣帶不得結載揮
買生淚偏歷太史轍西辭吳山青東望越水白是時苗

欽定四庫全書

草閣詩集
卷一

十三

獠盛跋扈興妖孽我兵氣不揚我馬骨已折賤子復何

為懷玉卿被褐謀生乃盡廢事業安得說結廬花溪上

既褻還復輟平生性鷲鈍屏趾恥干謁維時元運移飛

龍奮天闕大臣方召輩議論甚剴切蒼生免塗炭枯朽

得再活曄也非其才徵書下東浙或談帝王畧從橫吐

胃臆或稽周孔訓輪當侍君側顧慚內空虛衣冠廁羣

哲成均忝司教游藝隨所適風痺忽我嬰形容頓銷鑠

為官既無分上疏乞骸骨歸來對青山及此日未夕別

欽定四庫全書

草閣詩集
卷一

十三

君二十載憂喜不同域君有子與孫良田環美宅我仍
跡羈栖暖眼惟梨棗長子三十餘讀書僅謀食三孫未
成人頑嬾俱失學三女各有歸織襪喜不拙君年七十
三我近六十七枯楊雖生梯能忘舊佳匹載懷外舅氏
冰清儼人物生死骨肉離情懷為之惡何由上南斗握
手論紆轡愁來夫如何醉飲酒一石

送轅兒一首 併序

轅兒以文學徵匆匆別我無可言者伏念聖朝憂

老許令一子奉養而吾年已七十闕定省之候救
水之供情見乎辭不能自己云

聖朝御六合治化如陶唐任賢去姦邪綱紀日以張細
材楠與棟鉅材棟與梁嘉謨滿丹陛玉佩鳴鏘鏘府帖
急星火昨夜下永康嗟汝玷儒流乃以文學揚文學本
德行純孝多流芳熒熒爝火微詎裨日月光我今七十
翁風痺臥在床崦嵫既已迫哀風方自傷齒牙半脫落
頭髮盡已霜况兼左耳聾兩目俱茫茫賴爾營東脯糊

欽定四庫全書

草閣詩集

十四

口走四方藜藿供我餐湯藥供我嘗今茲捨我行言及
我淚滂念欲隨汝去十步九步僵汝哭離我膝我愁裂
中腸扶病送出門東風為淒涼吞聲竟鳴咽氣盡語不
長汝行勿我念努力隨忠良所憐三小孫路遠不得將
不如棄溝壑誰與輸餽饌聖朝許侍丁恩波浩洋洋茲
情儻得伸望汝回故鄉

言懷五首

出門多炎埃舉步不可觸野人嗜蕭散所志謝流俗高

齋寂無人當午眠正熟神遊羲皇上夢繞滄江曲翳翳
境初晴勻勻息還續忽覺聞餘聲清風動林竹

郊原生意新靈雨既霑賤子携酒醪往餉耦耕者文
章本虛器衣冠亦云假何如務稼穡白首在田野是時
日向暮川色明可把遠林鳥雀聚峻坂羊牛下澹然竟
忘歸悠悠遽難捨獨立臨長風中懷何由寫

魁山一茅茨中有無名氏頭戴鹿皮冠髮白絲不理齋
居了無事危坐烏皮几流觀高士傳放跡心獨喜紅塵

欽定四庫全書

草閣詩集

十五

樹外隔清風竹間起俗客不我過其門靜如水嗒焉似
忘我稽首南郭子

今日忽不樂少為川上遊童冠相追隨衣服紛好脩紆
徐既就坂崎嶇亦經丘是時鳴雨餘氣候如清秋怡然
拄孤藤聽此涓涓流往者既云邁來者無時休周流信
無滯至樂常悠悠俗士勿與言永為智者謀

新沐換輕幘振衣坐南軒軒前何所有嘉木陰以繁林
端響靈籟幽趣難具論好風既南至流火將西奔寒暑

互推遷日月相朝昏至人體天運閑居寂無言尼父溫
伯雪目擊道已存如何支離子聒耳來喧喧

欽定四庫全書

草閣詩集
卷一

十六

草閣詩集卷一

欽定四庫全書

草閣詩集卷二

元 李昱 撰

七言古詩

寄太平諸友

昨日東風吹雨過正值山齋罷書課無官可守真自得
有酒不飲誰能那此時況當春夏交綠靜園林安敢唾
出泥已誇籬笋嫩入饌頗憶溪魚大花間紫驢來幾足
葉底黃鸝鳴兩箇桃君諸公多俊才遠來相就同廢和

欽定四庫全書

草閣詩集
卷二

一

能文何如揚執戟劇談每羨陳驚座水心風流今尚在
正獻家聲遠猶播伯仁之孫本奇士亦有詩僧兼種糯
楚人擬作韋曲遊諸公復忍東山卧誰謂更深雨復作
到曉打牕驚夢破寧愁烏帽顛風吹尚恐蠟屐春泥浣
拈毫惆悵題我詩天晴更為斯文賀

聚上人鐵筆歌

昔時智永鐵作限今時善聚鉄為筆筆底曾經百鍊功
篆隸雕鐫體非一握波縈迴垂露灑金鵲虎爪相輝光

琅函夜啟玉剛卯笑倒謫史驚鍾王我作中臺山上記
一揮四百二十字聚也運鋒勒翠珉至今矯矯龍蛇勢
草閣巖居雲氣深上人一來聽我吟要將鐵筆化采筆
叢林價重雙南金

贈地理遠碧山

澗東瀍西曾卜洛定之方中楚宮作當時相宅論陰陽
猶未經營到冥漠後來注意馬鬣封某丘某水尋靈踪
封侯作相在頃刻芒鞋踏遍青芙蓉遠師本有降龍技

欽定四庫全書

東閣詩集
卷二

二

隨處看山逐龍勢金華一郡凡幾家屢見牛眠得佳地
我家近住東屏山時與遠師相往還青囊和月挂松樹
且酌美酒開心顏我聞金陵帝王宅虎踞龍蟠出奇特
遠師飛錫宜一遊歸來說與漁樵流

送顧仲明之常熟州教授

自從吳中識君面江海相違復相見交情不下十年餘
歲月匆匆若流電尚憶清風八詠樓與君喫酒樓上頭
酒酣借箸為節擊狂歌落日驚沙鷗聞道蘭亭看脩竹

官冷三年食無肉褐袍纔樂柳汁青又載琴書問常熟
此州吳公之故鄉絃歌彷彿聲洋洋孔門政事出文學
坐令州牧成龔黃朝來河雨添春水吳船催發吳歌起
酌君別酒情未已我亦衢州整行李人生離合真可憐
臨行把袂心茫然相期出處各努力淞水東西謾相憶

踏車行

南岸北岸聲咿啞東鄰西鄰踏水車車輪風生雷轉軸
平地雪寒生浪花借問老農何太苦低頭欲語還咨嗟

欽定四庫全書

東閣詩集
卷二

三

前月有雨田未耘非其種者紛如麻縣吏捉人應差役
令嚴豈得營私家況當今月滴雨無陂塘之水爭喧譁
雖如抱甕沃焦釜蹄涔豈足供泥沙語罷踏車車轉急
田水何如汗流濕老妻貸穀猶未歸力疾無奈吞聲泣

喜雨行

五日不雨中未焦十日不雨晚禾死農夫田父心煩勞
桔槔捐捐徒為爾俄然雲起從西北一片飛來頭上黑
六丁雷斧開天關不盡天瓢瀉甘澤沛如萬頃之銀潢

疾如江漢流湯怒如龍物騰變化颯如白帝行秋光
在坑滿坑谷滿谷此雨何殊雨珠玉甌窶汗耶無復分
但見芄芄稻花熟東家老翁賒酒勸西家女兒賣釵釧
青黃未接渾未憂屈指豐年眼中見我歌不獨如元豐
我歌直與康衢同此身願作飯牛翁耕田鑿井堯無功
嗚呼耕田鑿井堯無功

農家謠

高田低田不盡熟農家農家生意足腰鎌在手如割鮮

欽定四庫全書

草閣詩集
卷二

四

玉粒如山塞茅屋親戚鄰舍懽樂同酒酣社鼓歌老翁
阿孫將米換魚肉老嫗髻插山花紅時和迺由天子聖
元豐之歌敢同盛嗟嗟鼠竊滄海邊胡不賣刀買犢來
歸田

誕日醉吟

先生今年五十一兩鬢雖斑眼如漆挑燈終夜何曾眠
細字蠅頭看書帙既不能握簡起草趨明光又不能寒
旗斬將赴敵場布衣十載困江海空有崢嶸磊落驚世

之文章近來結屋翠峯下白雲繞屋看如畫王侯卿相
不到門自與農夫作鄰舍蠟浮缸面新酒渾清晨上壽
誰稱尊阿兒拜前女拜後此樂欣欣難具論盤餐照眼
復何有出甕黃蘗間青韭山田放豚初告腊潑刺鮮魚
貫霜柳須臾剝啄啄叩門急携着載酒來諸生陶然
洗盞復更酌雖無絲竹管絃之盛亦有鏗鏘澗水和此
颼颼萬壑松風聲松風為我清松月為我明眼花耳熱
不知夜但知百川一吸如長鯨我醉欲眠卿且去謫仙
欽定四庫全書

草閣詩集
卷二

五

未得其中趣玉山雖倒嗔人扶染筆從容賦長句我不
願二十四考書中書我不願千二百歲崢嶸居但願百
年三萬六千日日日醉吟惟有餘

秋宵七恨并序

荀卿賦篇於知雲蠶歲之辭始隱而終露又疊以
應之予嘗愛其異偶值秋宵不堪旅次韻成七恨
以為一代之新體云

青蘋葉底聲蓬蓬當年曾號襄王雄秋高八月勢轉急